



Broj: 02-04-2399/21-AP-5
Datum: 13.10.2021. godine

OPĆINSKO VIJEĆE ZAVIDOVIĆI
n/r PREDSJEDAVAJUĆOJ OPĆINSKOG VIJEĆA
mr. iur. Erna Merdić Smailhodžić

PREDMET: Odgovori na vijećnička pitanja sa 9. sjednice Općinskog vijeća Zavidovići održane 21.09.2021. godine, dostavljaju se

Povodom vijećničkih pitanja postavljenih na 9. sjednice Općinskog vijeća Zavidovići održanoj 21.09.2021. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA HARISA HODŽIĆ

1. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Koliko je primljeno novih radnika/uposlenika u općinu Zavidovići u periodu od 2016. godine pa do danas i koji od primljenih su bili kandidati na nekim od prethodnih lokalnih/općih izbora?

Direktno pitanje:

Tražimo od nadležne općinske službe da nam dostavi spisak svih primljenih radnika u općinu Zavidovići od 2016. godine do danas.

Odgovor na ovo pitanje treba OBAVEZNO da sadrži sljedeće informacije:

Ime (IME OCA) i prezime

Kandidat na izborima DA/NE, ukoliko DA, navesti ispred koje političke opcije.

Uža rodbinska veza sa postojećim uposlenicima općine Zavidovići sa mjestom rada u općini Zavidovići do 2016. godine DA/NE, ukoliko DA, navesti ime uposlenika i srodstvo.

Uža rodbinska veza sa vijećnicima u mandatnom periodu od 2016. pa do 2021. godine DA/NE, ukoliko DA, navesti ime vijećnika i srodstvo.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Stručne službe općinskog načelnika, broj: 02-45-4/21-AP-107 od 07.10.2021. godine): Uvidom u službenu evidenciju o radnim odnosima koju vodi Stručna služba općinskog načelnika utvrđeno je da su u periodu od 01.01.2016. godine do 21.09.2021. godine, na osnovu rješenja o postavljenju odnosno o prijemu u radni odnos, u organu državne službe Općine Zavidovići zasnovali radni odnos državni službenici i namještenici kako slijedi:

1. Bajramović (Jusuf) Midhat

Rješenjem o postavljenju državnog službenika Bajramović Midhata broj: 02-34-3979/15-AP-1 od 01.02.2016. godine imenovani je postavljen na radno mjesto Pomoćnik općinskog načelnika Službe za upravu pitanja boraca, raseljenih lica i izbjeglica na kojem je počeo da radi dana 23.05.2016. godine.

2. Hrvic (Zajim) Muamer

Rješenjem o postavljenju državnog službenika Hrvic Muamera broj: 02-34-5008/15-AP-1 od 02.12.2015. godine imenovani je postavljen na radno mjesto Stručni saradnik za obrazovanje, kulturu, sport, omladinski i nevladin sektor i poslove mjesnih zajednica u Službi za upravu društvenih djelatnosti i opću upravu na kojem je počeo da radi dana 04.04.2016. godine.

3. Šibonjić (Mehmed) Amira

Rješenjem o postavljenju državnog službenika Šibonjić Amire broj: 02-34-5006/15-AP-1 od 02.12.2015. godine imenovana je postavljena na radno mjesto Viši stručni saradnik za odobrenja privredne djelatnosti i normativne poslove u Službi za upravu ekonomskih poslova i poduzetništva na kojem je počela da radi dana 04.05.2016. godine.

4. Ćatić (Behudin) Selma

Rješenjem o postavljenju državnog službenika Ćatić Selme broj: 02-34-5007/15-AP-1 od 02.12.2015. godine imenovana je postavljena na radno mjesto Stručni saradnik za poslove informisanja i odnose s javnošću u Kabinetu općinskog načelnika na kojem je počela da radi dana 04.04.2016. godine.

5. Bajrić (Midhet) Armin

Rješenjem o postavljenju državnog službenika Bajrić Armina broj: 02-34-5009/15-AP-1 od 02.12.2015. godine imenovani je postavljen na radno mjesto Stručni saradnik za katastar komunalnih uređaja i održavanje geodetske mreže u Službi za upravu geodetskih, imovinsko-pravnih poslova i urbanizma na kojem je počeo da radi dana 18.01.2016. godine.

6. Pašić (Meho) Edin

Rješenjem o prijemu Pašić Edina u radni odnos na neodređeno vrijeme broj: 02-34-795/18-AP-1 od 20.03.2018. godine imenovani je primljen u radni odnos na radno mjesto Referent - vatrogasac – vozač - automehaničar u Službi za upravu civilne zaštite na kojem je počeo da radi dana 09.05.2018. godine.

7. Šogolj (Remzo) Jasmin

Rješenjem o postavljenju državnog službenika Šogolj Jasmina broj: 02-34-2999/18-AP-2 od 28.09.2018. godine imenovani je postavljen na radno mjesto Viši stručni saradnik za poslove Općinskog vijeća i radnih tijela u Stručnoj službi Općinskog vijeća na kojem je počeo da radi dana 01.02.2019. godine.

8. Mujanović (Armin) Majda

Rješenjem o postavljenju državnog službenika Mujanović Majde broj: 02-34-3003/18-AP-2 od 28.09.2018. godine imenovana je postavljena na radno mjesto Stručni saradnik za lična stanja građana i normativne poslove (matičar) u Službi za upravu društvenih djelatnosti i opću upravu na kojem je počela da radi dana 01.02.2019. godine.

9. Avdić (Ismet) Irnes

Rješenjem o postavljenju državnog službenika Avdić Irnesa broj: 02-34-3006/18-AP-1 od 28.09.2018. godine imenovani je postavljen na radno mjesto Stručni saradnik za informatiku, poslove administratora i računarsku mrežu u Kabinetu općinskog načelnika na kojem je počeo da radi dana 01.02.2019. godine

10. Skelić (Salko) Anel

Rješenjem o prijemu Skelić Anela u radni odnos na neodređeno vrijeme broj: 02-34-3174/18-AP-2 od 17.10.2018. godine imenovani je primljen u radni odnos na radno mjesto Viši referent za ovjeru potpisa, rukopisa i prepisa u Službi za upravu društvenih djelatnosti i opću upravu na kojem je počeo da radi dana 14.03.2019. godine.

11. Merdanović (Izet) Fatima

Rješenjem o postavljenju državnog službenika Merdanović Fatime broj: 02-34-237/18-AP-1 od 30.01.2018. godine imenovana je postavljena na radno mjesto Stručni saradnik za lektorske poslove u Kabinetu općinskog načelnika na kojem je počela da radi dana 01.02.2019. godine.

12. Hadžić (Himzo) Adis

Rješenjem o postavljenju državnog službenika Hadžić Adisa broj: 02-34-240/18-AP-1 od 30.01.2018. godine imenovani je postavljen na radno mjesto Stručni saradnik za praćenje potraživanja i obaveza i knjigovodstvo budžeta u Službi za upravu ekonomskih poslova i poduzetništva na kojem je počeo da radi dana 03.01.2019. godine.

13. Begović (Hasan) Zeaz

Rješenjem o postavljenju državnog službenika Begović Zeaza broj: 02-34-238/18-AP-1 od 30.01.2018. godine imenovani je postavljen na radno mjesto Stručni saradnik za obračun plaća i naknada, knjigovodstvo, kontrolu i naplatu potraživanja u Službi za upravu ekonomskih poslova i poduzetništva na kojem je počeo da radi dana 03.01.2019. godine.

14. Zilkić (Rasim) Nermin

Rješenjem o prijemu Zilkić Nermina u radni odnos na neodređeno vrijeme broj: 02-34-2974/20-AP-1 od 28.10.2020. godine imenovani je primljen u radni odnos na radno mjesto Viši referent za održavanje premjera katastra nekretnina u Službi za upravu geodetskih, imovinskopравnih poslova i urbanizma na kojem je počeo da radi dana 09.11.2020. godine.

15. Bašić (Izet) Merima

Rješenjem o postavljenju državnog službenika Bašić Merime broj: 02-34-119/21-AP-1 od 18.01.2021. godine imenovana je postavljena na radno mjesto Stručni saradnik za pravna pitanja i investicije u Službi za upravu ekonomskih poslova i poduzetništva na kojem je počela da radi dana 01.07.2021. godine.

16. Aličić (Ibro) Alena

Rješenjem o postavljenju državnog službenika Aličić Alene broj: 02-34-1021/21-AP-1 od 19.04.2021. godine imenovana je postavljena na radno mjesto Stručni saradnik za

budžet, knjigovodstvo, kontrolu i naplatu potraživanja u Službi za upravu ekonomskih poslova i poduzetništva na kojem je počela da radi dana 01.07.2021. godine.

17. Abidović (Emin) Samir.

Rješenjem o postavljenju državnog službenika Abidović Samira broj: 02-34-1019/21-AP-1 od 19.04.2021. godine imenovani je postavljen na radno mjesto Viši stručni saradnik za prijem i kontrolu knjigovodstvenih isprava, kontrolu i naplatu potraživanja u Službi za upravu ekonomskih poslova i poduzetništva na kojem je počeo da radi dana 01.07.2021. godine.

18. Mujanović (Rasim) Almin

Rješenjem o postavljenju državnog službenika Mujanović Almina broj: 02-34-390/21-AP-1 od 12.02.2021. godine imenovani je postavljen na radno mjesto Građevinski inspektor u Službi za upravu ekonomskih poslova i poduzetništva na kojem je počeo da radi dana 01.07.2021. godine.

19. Porobić (Amir) Lejla

Rješenjem o postavljenju državnog službenika Porobić Lejle broj: 02-34-120/21-AP-1 od 18.01.2021. godine imenovana je postavljena na radno mjesto Viši stručni saradnik za upravno rješavanje u oblasti urbanizma i građenja u Službi za upravu geodetskih, imovinskopravnih poslova i urbanizma na kojem je počela da radi dana 02.08.2021. godine.

20. Muratović (Mustafa) Suad

Rješenjem o prijemu Muratović Suada u radni odnos na neodređeno vrijeme broj: 02-34-2977/20-AP-1 od 01.12.2020. godine imenovani je primljen u radni odnos na radno mjesto Referent – vatrogasac – vozač - automehaničar u Službi za upravu civilne zaštite na kojem je počeo da radi dana 12.04.2021. godine.

21. Jarčević (Azem) Edin

Rješenjem o prijemu Jarčević Edina u radni odnos na neodređeno vrijeme broj: 02-34-2976/20-AP-1 od 01.12.2020. godine imenovani je primljen u radni odnos na radno mjesto Referent za uređenje zgrade, umnožavanje materijala, pakovanje i dostavu pošte u Službi za upravu društvenih djelatnosti i opću upravu na kojem je počeo da radi dana 12.04.2021. godine.

22. Čavalić (Ramiz) Sanela

Rješenjem o prijemu Čavalić Sanele u radni odnos na neodređeno vrijeme broj: 02-34-2975/20-AP-1 od 01.12.2020. godine imenovana je primljena u radni odnos na radno mjesto Viši referent za ovjeru potpisa, rukopisa i prepisa u Službi za upravu društvenih djelatnosti i opću upravu na kojem je počela da radi dana 12.04.2021. godine.

Što se tiče ostalog dijela pitanja kojim se traže podaci o užoj rodbinskoj vezi sa postojećim uposlenicima općine Zavidovići sa mjestom rada u općini Zavidovići do 2016. godine kao i o užoj rodbinskoj vezi sa vijećnicima u mandatnom periodu od 2016. godine pa do 2021. godine, te podacima o kandidatima na izborima ističemo da ne postoji zakonska obaveza vođenja službene evidencije o tim podacima za državne službenike i namještenike.

2. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje:

Koliko je vijećnika Općinskog vijeća Zavidovići u radnom odnosu i gdje (naziv poslodavca) ostvaruju svoj radni odnos zaključno sa 21.09.2021. godine?

Direktno pitanje:

Tražimo od nadležne općinske službe da nam dostavi spisak svih vijećnika u radnom odnosu i imena njihovih poslodavaca zaključno sa današnjim danom (porezna prijava).

Odgovor na ovo pitanje treba da sadrži sljedeće informacije:

Ime i prezime, poslodavac.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Stručne službe Općinskog vijeća, broj: 01-04-2471/21-AP-4 od 11.10.2021. godine): U prilogu dopisa dostavljen odgovor zaprimljen od Porezne ispostave Zavidovići, broj: 13-4/2-45-1-949/21 od 08.10.2021. godine.

3. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: U kojoj proceduri je javni poziv za izvođenje radova na rekonstrukciji lokalnih puteva na području MZ Rujnica (Dolac-Tursići i Mednjik-Mramorje)?

Obrazloženje:

Kako je planom kapitalnih investicija za 2021. godinu i Planom sanacije lokalnih cesta na području općine Zavidovići za 2021. godinu planirana rekonstrukcija lokalnih puteva Dolac-Tursići i Mednjik-Mramorje u iznosima 22.000,00 KM odnosno 20.000,00 KM, tražim informaciju da li je postupak javne nabavke za izvođenje radova na prometnim lokalnim cestama objavljen i u kojoj je proceduri, te kada se može očekivati uvođenje izvođača u radove na pomenutim dionicama ?

Molim vas za pravovremene odgovore.

Odgovor na pitanje treba da sdrži tačan datum očekivane realizacije.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva, broj: 03-45-17-259/21 od 13.10.2021. godine): Postupci javne nabavke radova na sanaciji, investicionom održavanju, rekonstrukciji i izgradnji cesta se raspisuju u skladu sa raspoloživošću namjenskih srestava iz naknada za ceste, odnosno u skladu sa dinamikom priliva istih u opžinski Budžet, kao i prioritetima utvrđenim planskim dokumentima Općine Zavidovići.

Javna nabavka radova „Investiciono održavanje i sanacija dijela lokalne ceste Mednik - Mramorje“ pokrenuta je 30.09.2021. godine. Otvaranje ponuda zakazano je za 15.10.2021. godine u 12:30 sati, nakon čega se provodi postupak e-aukcije i konačan odabir najpovoljnijeg izvođača radova. Petnaest dana po dostavljanju odluke o izboru najpovoljnijeg ponuđača moguće je zaključiti ugovor o izvođenju radova ukoliko u samom postupku nema žalbi. Prema tenderskoj dokumentaciji rok za izvođenje radova je 30 kalendarskih dana. Dakle, predviđeno vrijeme zaključenja ugovora je između 05. i 10. novembra.

Također, javna nabavka „Rekonstrukcija lokalne ceste Dolac – Rujnica – Tursići“ je od strane Službe za upravu ekonomskih poslova i poduzetništva pokrenuta 12.10.2021. godine. Sam postupak javne nabavke do potpisivanja ugovora o izvođenju radova okvirno traje oko 45 dana, a rok za izvođenje radova prema tenderskoj dokumentaciji iznosi 30 kalendarskih dana.

4. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Kada će se izvršiti zamjena rasvjetnih tijela u ulici Podubravlje bb (lokalni put Zavidovići-Dubravica) a koje odavno nisu u funkciji?

Obrazloženje:

Mještani naseljenog mjesta Podubravlje se žale da, iako su kvar rasvjetnih tijela prijavili još prije 6 mjeseci, u ulici uz lokalni put Zavidovići-Dubravica još uvijek postoje rasvjetna tijela koja nisu u funkciji.

U prilogu dostavljam fotografiju sporne lokacije i uličnog stuba na kojem ne radi rasvjetno tijelo a čiji je problem prijavljen još prije nešto više od 6 mjeseci.

Direktno pitanje:

Kada će se poduzeti aktivnosti na sanaciji rasvjetnih tijela koja nisu u funkciji u ulici Dubravački put bb?

Odgovor na pitanje treba da sadrži tačan datum očekivane realizacije.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-5/21-AP-256 od 11.10.2021. godine): Općinska služba za poljoprivredu, vodoprivredu i komunalne poslove putem sklopljenog ugovora o održavanju javne rasvjete u tekućoj 2021. godini sa preduzećem „DELTAH HM“ - d.o.o. Zavidovići, kontinuirano radi na održavanju javne rasvjete i zamjeni svih rasvjetnih tijela koja nisu u funkciji.

Što se tiče konkretne lokacije koja je navedena u vijećničkom pitanju, možemo potvrditi da je stub ulične rasvjete u ulici Dubravački put a koji je bio uništen usljed saobraćajne nezgode uklonjen i da je na navedenoj lokaciji a na drugi postojeći stub, 27.08.2021. godine postavljena nova lampa i od tada je ta lokacija ponovo osvijetljena.

Služba je također putem predstavnika u Savjetu mjesne zajednice „Dubravica“ zaprimila obavijest da u navedenoj ulici ne radi ukupno 5 rasvjetnih tijela i ona će u narednim danima čim to vremenski uvjeti dozvole, biti zamijenjena.

2. VIJEĆNIČKO PITANJE VIJEĆNIKA HAMDE DŽINIĆ

Vijećnik Hamdo Džinić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam vijećničko pitanje koje se odnosi na Projekat izgradnje i rekonstrukcije centralnog vodovoda u MZ Vozuća?

Obrazloženje vijećničkog pitanja:

Dana 30.03.2021. godine, Općinski načelnik i GP Heldovac, potpisali su Ugovor o realizaciji projekta izgradnje i rekonstrukcije centralnog vodovoda Vozuća. Rok za izvođenje radova je 90 dana od uvođenja u posao. Nakon potpisivanja Ugovora, izvođač pristupa izvođenju radova.

Dana 23.07.2021. godine na internet portalu Zdići.info, objavljena je informacija da je završena još jedna faza izgradnje i rekonstrukcije vodovoda Vozuća, te da je općina Zavidovići uputila aplikaciju prema višim nivoima vlasti FBiH s ciljem potpunog završetka radova.

Od nadležne općinske službe tražim detaljne informacije o tome koliko je ukupno sredstava utrošeno od početka realizacije projekta 2014. godine do sada, te koliko sredstava nedostaje za potpunu realizaciju projekta. Također, tražim informacije o tome da li je tokom izvođenja radova vršen stručni nadzor nad izvođačem radova, te da li je izvršen tehnički prijem po završetku ove faze radova.

Odgovor na postavljeno vijećničko pitanje zahtijevam u pisanoj formi.

S poštovanjem,

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva, broj: 03-45-17-259/21 od 13.10.2021. godine): Realizacija projekta je predviđena u fazama. U 2013. godini, u prvoj fazi izvođenja, su izvedeni radovi na izgradnji glavnog dovoda u dužini 1800 m1, u vrijednosti 79.958,78 KM. U 2014. godini su izvedeni radovi druge faze i to distributivni vod u dužini 2096 m1, u vrijednosti 69.977,16 KM. U 2016. godini je izvedena treća faza i to radovi na izgradnji dijela dovodnog cjevovoda u dužini 2100 m1, u vrijednosti 34.228,25 KM. U 2017. godini, izvedeni su radovi četvrte faze, a koji se odnose na izgradnju dijela glavnog dovodnog cjevovoda u dužini 1000 m1, u vrijednosti 28.635,75 KM, a u 2018. godini - peta faza, izvedeni su radovi na nastavku izgradnje glavnog dovodnog cjevovoda u dužini 800 m1, sa ugovorenom vrijednošću radova u iznosu 24.667,05 KM. U 2020. godini - šesta faza, su izvedeni radovi na izgradnji dvodnog cjevovoda u dužini 1640 m1 i hidrotehnički objekti na trasi (šahte za zračne ventile, muljne ispuste, rasteretne komore) u vrijednosti cca 155.000,00 KM.

Na objavljeni Javni poziv Ministarstvu za poljoprivredu, šumarstvo i vodoprivredu za dodjelu sredstava vodnih naknada kandidovali smo završnu fazu izvođenja radova i okončanje projekta „Izgradnja i rekonstrukcija vodovoda u Vozućoj, općina Zavidovići“, a koja podrazumijeva dovršetak glavnog dovoda u dužini 600 m1, izgradnju rasteretne komore / vodozahvata i izgradnju rezervoara zapremine $V=2 \times 100 \text{ m}^3$ za što su potrebna finansijska sredstva u visini 240.000,00 KM, a od čega su od Vlada Federacije BiH već obezbjeđuju sredstva u iznosu 100.000,00 KM.

Stručni nadzor je u svakoj fazi vršilo pravno lice registrovano za poslove nadzora.

Tehnički prijem se vrši po završetku kompletnog objekta.

3. VIJEĆNIČKO PITANJE VIJEĆNIKA ASIMA SINANOVIĆ

Vijećnik Asim Sinanović: Gospodo, Radno predsjedništvo, načelnice sa pomoćnicima i gostima, drage moje kolege vijećnici i vijećnice, ostali, odnosno nosioci medija i građani koji nas slušaju, imam jedno vijećničko pitanje, a vezano je za Mjesnu zajednicu „Kovači“ podružnicu „Vikovići Mustajbašići“.

Svakodnevno se susrećemo sa problemom kako je ukinut autobus, odnosno autobuska linija Zavidovići-Vikovići-Mustajbašići. U Vikovićima ima oko 250 stanovnika, toliko i u Mustajbašićima. Međutim, ostali su tu samo stariji ljudi, nemoćni i koji ne mogu više voziti. Bile su tri četiri prodavnice, sve su ukinute. sada je problem penzionerima i svaki dan me pitaju da postavim pitanje hoće li bit taj autobus i da li postoji mogućnost da se uvede linija bar dva puta dnevno, jer ljudi kod Poljoprivredne apoteke po tri četiri sata čekaju da bi ih neko povezo u tom pravcu gdje nema autobusa. Pa, vas molim postoji li kakva mogućnost da se uvede ta linija Zavidovići-Vikovići-Mustajbašići.

Sve vas srdačno pozdravljam.

Odgovor na vijećničko pitanje (Odgovor je sačinjen na osnovu akta Službe za upravu ekonomskih poslova i poduzetništva, broj: 03-45-17-259/21 od 13.10.2021. godine): Federalni ministarstvo prometa i komunikacija je donijelo Uputstvo o načinu realizacije obustavljanja polazaka, povrataka, odnosno voznih redova u uvjetima proglašene nesreće izazvane pandemijom Coronavirusa (COVID 19) i etapnog početka održavanja javnog linijskog prevoza putnika.

Navedenim Uputstvom, koje je na snazi do 31.01.2022. godine ostavljena je mogućnost prijevoznicima na području Federacije BiH da održavanje javnog linijskog prevoza putnika obavljaju u skladu sa osobnom procjenom opravdanosti održavanja istog.

Shodno naprijed navedenom Uputstvu, prijevoznici koji imaju registrovane redove vožnje na općinskim linijama na području općine Zavidovići nisu iskazali interes niti opravdanost za održavanje reda vožnje na relaciji Zavidovići – Vikovići - Mustajbašići.

Obzirom na navedeno Općina Zavidovići nema mogućnost da bilo kojem prijevozniku naloži održavanje istog.

Pored navedenog Općina Zavidovići nema zakonsku mogućnost subvencioniranja bilo kojeg prijevoznika obzirom da se u konkretnom slučaju subvencioniranje odnosi za troškove redovnog poslovanja društava koja su u privatnim vlasništvima, te bi samim tim navedena privredna društva imala monopol u odnosu na ostala društva sa istim statusom, a čime bi došlo do nelojalne konkurencije na tržištu i otvaranja procesa u kojem bi i ostali prevoznici tražili i očekivali subvencioniranje i pomoć u obavljanju prevoza na neprofitabilnim linijama.

4. VIJEĆNIČKO PITANJE VIJEĆNIKA AMERA AVDIČEVIĆ

1. Vijećnik Amer Avdičević: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 - prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi i Javnom komunalnom preduzeću „Radnik“, vezano za održavanje šetališta duž rijeke Bosna.

O b r a z l o ž e n j e

Kada će se poduzeti aktivnosti krčenja i čišćenje šetališta, a posebno čišćenja dijela šetališta ispod šetnice, tačnije pločnika? Navedeni dio šetališta iz dana u dan sve je prljaviji i ako se ne poduzmu navedene aktivnosti prekrit će ga zelenilo u potpunosti. Dostaviti u pisanoj formi.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-5/21-AP-256 od 11.10.2021. godine): Godišnjim planom komunalne higijene, između ostalog je planirano i čišćenje navedenog šetališta duž rijeke Bosne i to 3 puta u toku kalendarske godine. Obzirom da je do sada urađeno čišćenje u dva navrata, treće i posljednje ovogodišnje čišćenje je planirano za kraj ovog mjeseca (oktobar / 2021. godine).

2. Vijećnik Amer Avdičević: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 - prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi, vezano za održavanje ograde i stubova rasvjete na glavnom mostu Ulica Roncadelle.

O b r a z l o ž e n j e

U čijoj je nadležnosti održavanje ograde i stubova rasvjete na glavnom mostu Ulica Roncadelle i kada se planiraju poduzeti aktivnosti kako bi se sanirala šteta na ogradi i stubovima rasvjete, ofarbalo navedeno i dovelo u stanje kakvo priliči glavnom mostu na području naše Općine? Dostaviti u pisanoj formi.

Odgovor na vijećničko pitanje (Odgovor je sačinjen na osnovu akta Službe za upravu poljoprivrede, vodoprivrede i komunalnih poslova, broj: 08-45-5/21-AP-267 od 20.10.2021. godine): Obzirom da se most a shodno Zakonu o komunalnim djelatnostima („Službene novine Zeničko-dobojskog Kanotona“, broj: 17/2008, član 4. stav (14), tretira kao javna površina, tako i njegovo održavanje u smislu ograde i stubova javne rasvjete koji se nalaze na njoj, spada u nadležnost Službe za upravu poljoprivrede, vodoprivrede i komunalnih poslova. Služba za upravu poljoprivrede, vodoprivrede i komunalnih poslova je u prethodnim godinama u više navrata provodila aktivnosti na farbanju ograde navedenog most te stubova javne rasvjete na kojima su prije dvije godine zamijenjena dotadašnja rasvjetna tijela i postavljeni led reflektori.

Kako se već godinama odlukom Općinskog načelnika a putem Službe za upravu poljoprivrede, vodoprivrede i komunalnih poslova sa dolaskom proljeća provodi aktivnost pojačanog čišćenja i uređenja grada pod motom “April - mjesec čistoće”, gdje učešće uzmu i sve nevladine organizacije i eko udruženja sa naše Općine kao i naše osnovne i srednje škole sa svojim eko sekcijama, planirano je, ukoliko nam epidemiološke mjere budu dozvoljavale, da se i naredne 2022. godine provede navedena aktivnost u sklopu koje bi se uradilo i farbanje ograde navedenog mosta i stubova javne rasvjete koji se nalaze na ogradi.

S poštovanjem

Dostavljeno:

1. Naslovu,
2. U spis.

OPĆINSKI NAČELNIK

Dr. sci. Hašim Mujanović

Obradio: _____
(Nermin Čahtarević)